

## **Luo - Chuny Lweny Ndiko - SW Intro Scriptures**

**Luka 17:5 Joote nowacho ni Ruoth niya, "Med yiewa."**

**Jo-Rumi 10:17 Kuom mano yie aa kuom wach miwinjo kendo wach miwinjono en wach Kristo.**

**Luka 11:1 Chieng' moro Yesu ne Iamo kamoro. Kane otieko, achiel kuom jopuonjrene nowachone ni, "Ruoth, puonj a Iamo, kaka Johana bende nopoouon-jo jopuonjrene."**

**1 Timotheo 2:1-4 Mokuongo tik tik ajiwo ni, kwayo, Iamo, sayo kod goyo erokamano mondo otim ni ji duto, 2 ni ruodhi gi jote-lo duto mondo eka wadag gi kuwe maonge tungni, ka waluoro Nyasaye kendo ka wan jomaler chuth. 3 Mani ber kendo moro Nyasaye Jawarwa, 4 ma dwarz ni ji duto oyud warruok kendo ni ji duto ong'e adiera.**

**Zakaria 3:1 - Zaburi 109:6 Giwacho ni, "Ket ng'at marach mondo oked kode; we jadonj ne ji mondo ochung' kode e bura.**

**Luka 22:31 "Simon, Simon, Satan osekwayo thuolo mondo opiedhi kaka cham mipied-ho.**

**Zakaria 3:2 - Juda 1:9 To kata mana Mikael malaika maduong' kane gilaro gi Jachien ringre Musa, ne ok ohedhore wuoyo kuome marach ka hangone wach, to nowacho mana ni, "Ruoth mondo okw-eri!"**

**Jo-Efeso 6:12 Nikech Iweny mwakedo ok en mar ringruok gi remo, to wakedo gjotelo, kod ruodhi mag piny motimo mudhoni, kaachiel gi lang chuny maricho modak e kor polo.**

**Jo-Efeso 6:10,11 Mogik, beduru motegno kuom Ruoth, kendo kuom tekone maduong'. 11 Manreuru gi gii Iweny duto mag Nyasaye, mondo eka uchung' motegno kutang' ne wuond mar Jachien.**

**Jo-Efeso 6:13-17 Omiyo manreuru mogik gi gii Iweny mag Nyasaye, mondo ka kinde mag richo ochopo to uyud teko mar chung' kar tiendu kendo kusetimo madwarore duto to mondo uchung'. 14 Emomiyo nyonuru piny motegno, kutweyo nungou gi kamba mar adiera, kendo kurwako tim makare ka gii Iweny mag akor, 15 rwakreuru gi ikuok mar lando Injili makelo kuwe kaka wuache e tiendu. 16 Ewi mago duto ting'uru yie maru ka okumba mugeng'ogo aserni makakni ka mach moa kuom ng'at marach. 17 Kawuru ogudu motegno mar warruok kod ligangla mar Roho ma en wach Nyasaye.**

**Jo-Hibrania 4:12 Nimar wach Nyasaye ngima kendo tiyo. Obith moloyo ligangla ma dhoge ariyo, kendo opowo chuny dhano nyaka iye mogik, nyaka kuma pach dhano gi chunye jorome, kaachiel gi fuon gi ond-**

**hudho. Kuno ema oketoe bura ne paro kod dwarz maling'ling' manie chuny dhano.**

**Luka 4:8 Yesu nodwoke ni, "Ondiki ni, Lam Ruoth Nyasaye kendo en kende ema itine.**

**Jo-Efeso 6:18 To lamuru kuom Roho kinde duto gi kit lamo duto, kendo ka ukwayo. Beduru gima e paro, beduru mokichore kusiko ukwayo kinde duto ni joma ler duto.**

**1 Samuel 17:45-47 - Zaburi 118:10 Ogendini duto nolw o ra koni gi koni, to ne atiekogi e nying Jehova. 11 Ne gilw o ra koni gi koni, to ne atiekogi e nying Jehova**

**Luka 10:17-20 Ji piero abiriyogo noduogo kod ilo mi giwacho ni, "Ruoth koda ka jochiende be winjowa e nyingi," 18 Nodwoko niya; "Ne oneno Satan kalor aa e polo mana kamil polo. 19 Asemiyou loch mondo unyon thuonde gi thomoni kendo ulo teko duto mag jasigu bende onge gima nohinyu. 20 To kik uil ni jochiende winjou, to iluru ni nyingu ondiki e polo.**

**2 Jo-Korintho 10:3-5 Nikech kata obedo ni wadak e pinyti, to ok wakedi kaka jopiny kedo. 4 Nikech gilweny mwafedogo ok gin mag pinyti, to gin gilweny mager mag Nyasaye, mwakonyorego kuom muko kuonde mochiel motegno. 5 Waketho mbekni kod riekni mag wuondruok duto mag sunga dhano, ma dino ni ji yor ng'eyo Nyasaye, kendo watweyo paro ka paro mobam, mi wami owinj Kristo.**

**Mathayo 16:19 Abiro miyi kifungni mag pinyruodh polo; kendo gimoro amora mitweyo e pinya notwe e polo, to gimoro amora migonyo e piny nogony e polo."**

**2 Timotheo 1:7 Nikech Nyasaye ne ok omiyowa chuny mar bedo ngoche to nomiyowa chuny mar bedo gi teko, gi hera kod ritruok.**

**Mathayo 12:28,29 To ka ariembo jochiende gi teko mar Roho Maler to kara pinyruoth Nyasaye osebironu. 29 "Koso, ere kaka ng'ato nyalo donjo e od ng'ama ratego mi omaye gige odhigo, ka ok okuongo otweyo ng'ama rategono?**

**Jo-Efeso 1:13 To un bende nokwanu kaka Jo-Kristo kane uwinjo wach mar adier ma en Injili mar warruok. Kane useyie kuome noketonu kido mar Roho Maler mane osingi,**

**Tich Joote 19:6 Kane Paulo oketo Iwete kuomgi, Roho Maler nolor kuomgi, mi ne giwuoyo gi dhok mayoreyore kendo gikoro wach.**

**Mariko 16:15-18 Nowachonigi ni, "Dhiuru e piny duto mundo uyal Injili ne chwech duto." 16 Ng'ato ang'ata moyie kendo obatisi nokwo, to ng'at maok oyie nong'adne buru. 17 To ranyisigi nolu joma oyie: E nyiga giniriemb jochiende; gini wuo gi dhok manyien; 18 ginimak thuonde gi**

**Iwetgi, kendo gini modhi kwiri mager, to ok ginihinyre ngang'; giniket  
Iwetgi kuom jomatuo, to jotuo nobed mangima."**

**1 Johana 1:9 To ka wahulo richowa, en jaadiera kendo ng'ama kare kendo  
obiro weyonwa richowa mi opuodhwa kuom timbe duto maok odhi kare.**

**Wuok 20:5 Kik ikulrinigi kata tiyonigi: to an Jehova Nyasachi, an Nyasaye  
ma janyiego, machulo kuor kethruok mar kweregi kuom nyikwagi, nyaka  
tienge adek kata ang'wen mag jo mochaya.**

**Zaburi 109:14 Mad Jehova sik kaparo richo mane wuonegi otimo; kendo  
mad richo min kik ruchi.**

**Zaburi 109:17 Nohero kuong'o ji- to koro mad kuong'neno dogne; ne ok  
ohero gwedho ji- omiyo koro mad gweth bed mabor kode.**

**Jong'ad 16:16 - Zaburi 6:3 Chunya winjo malit. Nyaka karang'o, Yaye  
Jehova, nyaka karang'o?**

**2 Petro 2:8 (nikech ne en ng'at makare, chunye ne chande malit kane  
oneno kendo owinjo timbe maricho ma tieng' mane odakgo timo pile ka  
pile);**

**Jo-Efeso 4:26 "Kaponi mirima oloyi to kik itim richo." Kik iwe chieng' podhi  
ka pod in-gi mirima**

**Jo-Rumi 14:12 Omiyo ng'ato ka ng'ato kuomwa nodwok wach kuome owuon  
ne Nyasaye.**

**1 Johana 2:23 Ng'ama odagi Wuowi odagi Wuoro bende, to ng'ama orwake  
nigi Wuoro bende.**

**Johana 14:6 Yesu nokone ni, "An e yo kendo An e adiera kendo An e ngima.  
Onge ng'ama nyalo biro ir Wuora ka ok okadho kuoma.**

**Mathayo 11:28-30 "Biuru ira, un duto mujony kendo uting'o misigo mapek,  
mondo amiu yweyo. 29 Kawuru lodina mondo uting' kendo puonjreuru  
kuoma, nimar chunya muol kendo ahora mos, eka unuyud yweyo ne  
chunyu. 30 Nimar lodina ok pek kendo misika yot."**

**2 Jo-Korintho 6:2 Nikech owacho ni, "Ne awinji e saa mowinjore; chutho ne  
akonyi e odiechieng' mar warruok. Awachonu ni, ma e saa mar Nyasaye  
mowinjore, ma e odiechieng warruok.**

**Jo-Rumi 10:13 nimar, "Ng'ato ang'ata maluongo nying Ruoth nowar."**